

գիւղը, ամբողջ օր սոված պտտելից զլնի իջանք յիշեալ գիւղը և ինձ տարան ամենահարուստ գիւղացու տուն-հիւր, առաջնորդիցս խնդրեցի, որ մի քանի ձու գտնի ճաշելու համար, մի քառորդից յետ առաջնորդս վերագարձաւ դատարկ, նախատելով թաթարներին, որ «բարաքեաթ» չ'ունեն, Ես կարծելով որ ամեն բան փողով կարելի կ'լինի ճարել, ամեն մի ձուին քսան կոպէկ գին նշանակեցի, որ չ'լսված գին է այդ կողմերը, բայց զուր՝ մի ժամ առաջնորդս մի ուրիշ ձեռքումը ամբողջ գիւղը մանգալով հաղիւ մի անպիտան հաւ էր գտել, Ես տանուտէրին հարցնում էի, «բա ձեր հաւերը ձու չե՞ն ածում»:

— Ածում են պատասխանեց կիսամերկ տանուտէրը, բայց ոչ մեղ համար, այսօր գիւղի բոլոր ձուերը հաւաքեցին խանին տանելու: Տանուտէրը ուզում էր ասել որ հաւերը իւրեանց ձուերը ազնուական արժանաւոր ճաշակների համար են ածում:

«Բայց դուք ի՞նչ էք ուտում», հարցրի ես:

— «Եթէ ցամաք հաց էլ ունենանք, այդ ևս բախտաւորութիւն է, պատասխանեց տանուտէրը:

Գիւղերում առհասարակ կնամարդիք, մանաւանդ օտարականներից, չեն ծածկվում: Մեզ ծառայող տան տիկնոջ, իմ կողքումս նստած